

CANCELL.
MARTIS B.
1716.



IX. B. 99

God

55.

~~2. 5. IX~~ X

~~XXVIII. 9.~~

2. D. B. V. 29
DISSERTATIO INAUGURALIS JURIDICA

DE
JVRE FONTIVM,

Uom Brunnen-Recht

QVAM
RECTORE MAGNIFICENTISSIMO,
SERENISSIMO PRINCIPE AC DOMINO,

DOMINO
GVILIELMO HENRICO,

DVCE SAXONIAE, JVLIIACI, CLIVIAE AC MONTIVM, AN-
GARIAE WESTPHALIAEQVE ET RELIQUA,

Indultu Illustris Facultatis Juridicæ

IN CELEBERRIMA JENENSI

SVB PRÆSIDIO

JOH. BERNHARDI Griesen/

HEREDITARII in Pöfen / JCTI. FAMIGERATISSIMI,
SERENISS. DVCE SAXO-ISENAC. CONSILIARIJ AVLICI ET CONSISTORIA-
LIS, NEC NON ANTECESSORIS, COLLEGII JURIDICI ET SCA-
BINATVS ASSESSORIS GRAVISSIMI H. T. DECANI,

Domini Patroni sui ætatem venerandi

PRO LICENTIA

Summos in utroque jure honores & PRIVILEGIA DOCTO-
RALIA more majorum rite capeffendi

Benevole cruditorum disquisitioni submittit

Christian Döhler / Trebniz-Misnicus

Ad D. Jan. 1711.

IN AVDITORIO JCTORVM

horis ante & pomeridianis.

J E N A E , LITTERIS MVLLERIANIS.

DISSERTATIO JURIS PRAEDICATAE
A. D. A. R.

JURIS PRAEDICATAE

PROFESSORIS PRAEDICATAE
A. D. A. R.

WILHELMO HENRICO

PROFESSORIS PRAEDICATAE
A. D. A. R.

JOHANNI BAPTISTAE

PROFESSORIS PRAEDICATAE
A. D. A. R.

IN PRAEDICATA
A. D. A. R.

IN PRAEDICATA
A. D. A. R.

IN PRAEDICATA
A. D. A. R.

IN PRAEDICATA
A. D. A. R.





§. I.



Fontis vox primitivum est, & denotat locum aquæ salientis sive ex terra sive ex aquæ ductu, item ipsam aquam salientem, germ. ein Brunnen. Puteus fons in imo effossus, cujus aqua educi debet. Fontium vero maximus usus est, omnique creaturæ viventi valde necessarius. Inde etiam ab antiquissimo tempore habitationes familiarum ad fontes institutæ sunt, quod inter cætera innuitur quoque per græcam vocem $\pi\eta\gamma\eta$, quæ fontem significat, & pagum seu vicum; quasi necesse sit, ut pagus seu cohabitatio familiarum sit in eo loco ubi fons invenitur, adeoque utrumque uno nomine insigniri debeat. Id quod conspicitur quoque à contrario, nam in iis regionibus ubi est defectus fontium & aquarum, ibi etiam vici & pagi non adeo frequentes sunt. Te-

statu id *P. du Val. in Geogr. p. m. 275.* de Lybia Africa regione, quando dicit, peregrinatores debere sibi prospicere de esu & potu, additque rationem: quia sæpe intra centum milliarium spatium neque habitatio neque fons reperitur. Eandem necessitatem sustinuit quoque populus Israeliticus in deserto, qui providentia divina bis ex petra aqua potitus est. *Exod. 17. v. 6. Num. 20. v. 8.*

§. II. Differt fons à stagno & lacu ut majus & minus, quamvis enim hæc, pariter ut ille, aquam e terra salientem, adeoque ipsum fontem in loco scaturiginis in se habeant; tamen stagnum aut lacus dicitur collectio plurium aquarum, quæ adeo majus terræ spatium replet, fons minus, & modicam habet circumferentiam scatebræ. Deinde piscium plerumque alendorum causa habentur lacus pariter ut piscinæ, & aquæ si quæ inde hauriuntur, ad usum hominum quotidianum adhiberi non solent; cum contra fontium purior aqua usui nostro principaliter inservire soleat. A puteo differt fons, quod hic in summo supra terram sit, manantibus & fluentibus aquis sine labore hauriendis; ille vero ex imo effosus, & ex visceribus terræ aquam hauriendam suppeditet. Ita *Ulpianus L. 1. §. 6. ff. de aqu.*

aqv. cotid. sunt quædam aque, quæ etsi perennes sunt, duci tamen non possunt, ut puta puteales, quæ ita sunt submersæ, ut defluere extra terram non possint. Semper autem vivam & scaturientem aquam habent fons & puteus; inde etiam differunt a lacuna & lacu quod hæc rarius aquam vivam, sæpius imbris collectam contineant. Eadem ratione distat puteus a cisterna, quæ quamvis pariter ut puteus in terram defossa sit, tamen aqua viva & scaturiente caret, & tantum imbris collecta, & sic purificata constat, ut usum quoque præbere possit. Castellum *L. 1. §. 38. ff. de aqv. cot.* est receptaculum & dividiculum aquarum, ipsa sui natura a fonte & puteo satis diversa: neque enim aquæ fontanæ tantum in eo haberi & dividi, sed etiam fluviatiles possunt & solent.

§. III. Variæ autem sunt fontium species, alii enim habent aquam *amaram*, quæ bibi non potest. *exod. 15. v. 23.* Alii habent aquam *acrem* dicti *Sauer Brunn*. Alii aquam *calidam*, quo pertinent *die warmen Bäder* & fons ille miraculosus prope Budam in Hungaria, qui superius aquam habet calidissimam, in fundo vero optimos pisces natantes alit. *vid. P. du Val. in Geogr. p. m. 374.* inde jocatus est ille peregrinator, se vidisse fontem ex quo

pisces jam cocti capi possint. Alii aquam *sal-*
sam, & miraculum est quod narrat *Erasm. Fran-*
cisci in der lustigen Schaubühne pag. 134. de fon-
 te qui utramque aquam *salsam* & *dulcem* simul
 habet. Alii aquam *salubrem*, dicti *Gesund-Brun-*
nen/præbent. Sunt & fontes, qui admittunt fluxum
 & refluxum, instar maris, quales in Anglia pro-
 pe civitatem *Caermardinensem Erasmi. Francisci*
all. loc. & in *Sabaudia* prope *Camberium*
P. du Val. in Geogr. p. 246. reperiuntur. In *Catalonia*
 dicitur esse fons cujus aqua vini rubri colorem
 exhibet. *id. p. 156.* De fonte quodam ardente & de
 alio gelido vid. *Erasmi. franc. loc. all.* In *Insula Ferro*
 habitantes aquam non ex fontibus, sed ab arbore
 miraculosa, quam *Hispani Santo* vocant, hauriunt.
P. du Val. in Geogr. p. 333. Alii habent aquam
dulcem, qua utimur, de quibus hujus loci.

§. IV. Deinde fontes sunt vel *naturales*, qui
 natura stimulantur. citra factum hominis e terra sa-
 liunt; vel *artificiales*, qui arte & industria humana
 instructi aquam emittunt. Uti vero ars humana
 infinita prope est, ita etiam infinitæ dari pos-
 sent species fontium artificialium. In genere
 eorum quidam inveniuntur, qui nisi accesserit
 ars & industria humana, aut plane nullum
 aut

aut saltem non ita commodum usum præbere possunt. Huc pertinent putei, *gegrabene Brunnen/ Plump-Brunnen/ fontes ductiles, Röhr-Brunnen*. Alii vero arte accommodati sunt, & præcipue ad pompam & splendorem quendam extructi. Quales sunt fontes in hortis & palatiis magnorum principum, qui dicuntur *fontainen*, inter quos præstantissimus totius Germaniæ esse dicitur Salisburgensis.

§. V. Jus varias habet significationes de quibus vid. *l. pen. & ult. ff. de just. & jur.* potissimum legem denotat, & potestatem agendi quæ dicitur facultas a Grotio. Utraque significatio hujus est loci; ita ut in hac disputatione sermo fiat, de legibus circa fontes & puteos eorumque usum latis, & de facultate hominibus circa eorum usum competente, de obligationibus item hominibus eorum intuitu competentibus. Atque in hac relatione ad jus, varias divisiones recipit fons & puteus, sine quibus distincti conceptus formari nequeunt, ideo eas prius excutere placuit.

§. VI. Prima autem & generalissima affectio omnium rerum est dominium seu proprietas, juxta quam & de fonte & puteo, (liceat enim nunc vocibus his promiscue uti, postquam utriusque

que jura perpendere constitutum est,) dicitur, quod sit vel in *alicujus proprietate*, vel in *nullius proprietate* seu dominio constitutus. Nam ab initio mundi sine dubio fontes nullius fuerunt, & eorum usus omnibus patuit: postquam vero dominia rerum distincta, idem etiam fontibus accidit & occupati sunt *arg. l. 5. ff. de just. & jur.* & quidem vel ut res principalis, vel ut accessorium fundi, cui inhaerent, nam valet & hic regula vulgaris: *accessorium sequitur suum principale. l. 19. §. 13. ff. de aur. & arg. leg.* Cum vero plerique fundi & res immobiles hodie sint in proprietate, ita etiam plerique fontes in proprietate esse censendi sunt. Istud autem tribuit dominium fontis, ut Dominus alios omnes ab usu ejus excludere possit; *arg. §. 12. Inst. de rer. div.* cum contra fontis qui nullius est liberum quilibet usum habeat.

§. VII. Sed hic discutienda venit quaestio praejudicialis, quid de moralitate domini fontis dicendum sit & an de jure naturæ & gentium istud constitui atque alii homines ab usu ejus excludi possint? sane aqua est ex numero maxime necessarium, & in hoc cum sole & aëre pari passu ambulat, quorum usus naturali jure omnibus communis esse dicitur, *§. 1. Inst. de R. D. Puf. de J. N. & G. lib. 4. cap.*

cap. 5. §. 2. ita ut dominium excludat. Et quibus in rep. romana aqua & igni interdicebatur, necessario ditione romana emigrare tenebantur; §. 2. *Iust. de cap. dim.* Ita & ii qui proprium fontem non habent, si perpetuo excluderentur a proprietariis ab usu aquæ, necessario orbe excedere necesse haberent. Deinde & inhumanum nimis est, aquam, quam benigna natura gratis abundeque suppeditat, indigenti denegare ideo, quod fontis hujus vel illius dominus sum. Sed hæc non obstant, quo minus proprietates fontium introduci potuerit. Nam quamvis aqua una cum sole & aëre summè necessaria sit ad vitam; tamen postquam dominia rerum ceperunt, uti v. g. de jure non potest quis in aliena gramina recubare, aëris aut solis recipiendi causa, ita & citra domini voluntatem aquam ex ipsius fonte haurire nequit. Quod autem de usu communi aquarum dicitur, *loc. supr. citatis*, illud de aquis in genere intelligendum, non de hoc vel illo fonte. Et licet fontes benignitate Dei & naturæ aquam gratis, & in quibusdam locis abundanter satis dent; adeoque quæ gratis accepimus gratis quoque danda sint; potest tamen Domino, tum ratione itineris ad fontem per fundum suum, tum ratione laboris, sumptuum item

B

& im-

& impensarum ad sustentationem & refectionem fontis faciendorum, & aliis modis interesse, ne ex suo fonte aqua hauriatur.

§. VIII. Id tamen quod ad stabiliendam justitiam domini fontium dictum est, cum granofalis intelligendum: ne scilicet lædantur officia humanitatis, dum juri domini quaesito stricte nimis inhærere velimus. Deinde etiam, uti in dominio rerum quarumcunque, ita & hic, non excludendus casus necessitatis; & statuendum cum moralistis: tunc reviviscere jus pristinum rebus utendi communiter, pariter ac si dominium nullum adesset. *Grot. de F. B. & P. lib. 2. cap. 2. §. 6. n. 2.*

§. IX. Deinde fontes sunt vel *publici*, qui in proprietate quasi populi *arg. l. 15. de V. S. l. 14. §. 2. ff. de acq. rer. dom. arg. l. 1. §. 7. ff. de quest. vel universitatis*, qui in civitatis, vel pagi, vel cujuscunque universitatis; vel *privati* qui in privatorum, unius, vel plurium, (quo casu dicuntur *communes*, *arg. t. t. ff. comm. divid.*) sunt proprietate.

§. X. Denique fons est vel *proprius*, qui etiam est talis licet solam habeamus proprietatem; vel *alienus*, qualis etiam est ille in quo usumfructum habemus *arg. pr. Inst. de her. inst. junct. l. 26. ff. de*

ff. de Serv. præd. urb. Neque enim putandum, proprietatem fontis semper obstare, quo minus alter aliquid juris in eo acquirere possit. *arg. dict. text.*

§. XI. Leges autem quod attinet, præsupponendum est, eas esse vel *naturales*, vel *civiles*. Naturalis ab ipsa natura hi mana dicitur, & ab omnibus hominibus observanda est: civilis a summa in republica potestate fertur, & a subditis seu civibus istius reipublicæ custodiri debet, §. 1. *Inst. de jur. nat. gent. & civ.* Quid vero dicitur Lex naturæ de fontibus eorumque usu dispiciendum. Sed hic quidem non multo labore opus est: nam quemcunque hominis statum naturalem agnoscas, sive *pacis*, cum Grotio & Pufendorfio, sive *belli*, cum Hobbesio, sive *mixtum*: atque juxta ea præsupposita legem fundamentalem juris naturæ facias, tamen semper concludi debet talis lex naturæ de fontibus: NE TURBES HOMINES IN USU FONTIVM, Nisi enim lex hæc observatur, manifesto peccatur contra custodiam æqualitatis & socialitatis, uti & contra principium Hobbesianum: quærenda est pax ubi haberi potest, si non quærenda belli auxilia.

§. XII. Usus autem fontium variis turbatur modis: aquam scilicet quocunque modo corrupendo, ut usui quotidiano servire nequeat;

alios positis custodius ab aquæ haustu repellendo; quando ita munitur & occluditur fons vel puteus, ut alii eum aperire non possint; item quando via eundem versus intercipitur; porro quando venæ aquæductuum intercidentur. Omnium autem maxime turbatur venenando, quo modo alia quoque ratione injuria fit, dum simul vitis hominum insidiæ fiunt. Quocunque autem modo usus fontium impediatur, semper statuendum est, peccari eo casu contra jus naturæ.

§. XIII. Atque hujus legis sanctitas tanta est, ut etiam ab omnibus gentibus custodiatur. Et cum alias de jure gentium in statu aut tempore belli licitum sit, aquas ita corrumpere ut bibi nequeant, aut fontis venas intercipere, *Grot. de J. B. & P. lib. 3. cap. 4. §. 17.* Tamen ita procedendum est, ut impediatur usus potius, ad obtinendum finem bellicum; quam ut, concessio quidem usu, vitæ hominum aut sanitati, insidiamur. Et rectissime dicit *Florus* apud *Grot. loc. all. §. 16.* Fontes veneno inficere, non tantum esse contra morem majorum, sed contra fas Deum. Ab ipsis itaque gentilibus juri divino contrarius reputatus est ejusmodi actus: ex scriptura ergo sacra cum *Ostand.* ad *Grot. loc. all.* ideo, quia ab Abrahamo, Josua & cæteris belli

belli Ducibus idem factum nusquam legatur, probetur necesse non est.

§. XIV. Neque universali huic legi limites ponit dominii introductio, sed potius juxta ipsius principia explicanda quoque erit. Quando enim turbare non concessum in fonte nullius, multo minus in proprio id licebit. Nec dominium alicujus in fonte competens, eo extenditur ut alios ab usu fontis necessario citra justam causam excludat. Scilicet usus aquarum pariter ut ipsius aeris maxime necessarius est, & morali dominii naturæ repugnat utique, ita sibi rem propriam dicare, ut alteræque homo ab usu ejus rei necessario repellatur. *Grot. de J. B. & P. lib. 2. cap. 2. §. 6. n. 2.* Utut id fieri posse justa de causa, si v. g. aliunde aquam haurire commode valeat, aut, si ad refectionem, aut ædificationem fontis nihil impensæ facere velit, non sit diffitendum.

§. XV. Quemadmodum vero jus Civile subservit juri naturali & gentium *L. 6. ff. de J. & F.* ita quoque ejusmodi jura circa fontes non desunt, quæ necessario argumento ex titulis Digestorum, de aqua cottidiana & fonte, probari possunt. Quando enim dicit prætor: *Uti eo anno aquam, de qua agitur non vi, non clam, non precario duxisti, item:*

Uti fonte, de quo agitur, usus es, quo minus ita utaris, vim fieri veto, istas leges ut certas & necessarias non præsupponit solum; sed & ipsi domino, jure domini non obstante, obest, ne alium, qui uno anno usus est aqua & fonte ipsius, in posterum ita uti prohibeat. Si itaque hoc de fonte alterius statutum est, quin non potius inhibendum esse censendum est, arcere aliquem ab usu fontis nullius, publici, communis & proprii: uti restissime DD. de usu fontis non impediendo interdictum hoc explicant communiter.

§. XVI. Atque ea, quæ de non impediendo usu fontis, decreta deprehenduntur in legibus civilibus, etiam ad quamcunque corruptionem aut conspurcationem aquarum extendenda sunt, non solum; sed & expressa lege pœnali, quam ex Frontino refert *Leiser. in jur. Georg. lib. III. cap. 24.* sequentem in modum cautum est: *Ne quis aquam oletato dolo malo ubi publice salit, si quis oletarit, sestertiorum Decem millium multa esto.* Hodie arbitraria infligitur pœna istius legis transgressoribus, quæ etiam ad combustionem, de jure Saxonicò, extendenda est, in casu si aquas vel fontes venenaverit quis. *LandR. lib. 2. art. 13.* nam quando de pascuis veneno infectis, id statuere non dubitant

rant Interpretes *Carpz. pr. crim. p. 1. quest. 21. n. 29. 30.* cur non & idem de aquis aut fontibus vitiatidis dici debeat, nulla ratio subest.

§. XVII. Neque in iis tantum subsistit prudens rerum publicarum moderatorum institutum, ut legum circa fontes præscriptis observantiam concilient in suis provinciis. Sed ulterius progrediuntur, & ad suam ipsorum curam & inspectionem pertinere censent, providere, ne civibus suis aqua desit. Inde vix invenietur respública aut civitas alicubi, ubi non fontes, castella, & aquæductus publici reperiantur, ad succurrendum necessitati publicæ. Quibus Romani, uti alias, ita & hac in re præcellent. Primò enim Ancus Martius, romanorum Rex, aquam ante Aufesiam, postea Martiam suo nomine dictam, in urbem perduxit. Hujus aquæductum continuavit ipsius successor Tarquinius Priscus. Secutus eos Claudius Appius Censor, qui aquam, quam Appiam postea vocarunt, invenit, & in Urbem deduxit. Item Agrippa & alii de quibus *Frontin. alleg. Leisero in Jur. Georg. lib. 3. cap. 34.*

§. XIX. Infinitos autem labores & stupendos sumptus fecerunt Romani in extruendis ejusmodi operibus; siquidem aqua, Claudia dicta, ultra

tra quadraginta milliaria in Urbem ducta. Proinde refert Plinius si quis diligentius æstimaverit aquarum abundantiam, extractos arcus, montes perfossos, convalles æquatas, fatebitur nihil magis mirandum fuisse in toto terrarum orbe *vid. Leiser. Jus Georg. lib. 3. cap. 34. n. 5.* Cui rei sustinentæ vectigalia imposita & leges latæ sunt; ita enim inquit Frontinus apud eundem *loc. all.* antiqua lege cautum fuit: *Ne quis privatus aliam aquam ducat quam que ex lacu humum accedit.* Inspectores quoque constituti sunt qui dicebantur curatores aquarum, item curatores operum publicorum *L. 1. §. 1. ff. de oper. publ.* Quorum Magistratum officium erat, tueri aquæductum, vindicare eum ab injuriis & damnis, curam habere refectionis & conservationis, fraudes aquariorum & aliorum inquirere easque elidere. *Leiser. loc. all. num. 12.*

§. XIX. Eandem curam ducendarum aquarum in Urbem continuarunt Imperatores Constantinopolitani, uti ex toto titulo *Cod. de aquæductu* videre est. Id tamen addiderunt, quod eorum inspectionem non Magistratui cuidam inferiori, & nequidem Præsidibus provinciarum, sed ipsi Præfecto prætorio, Imperatoris locum tenenti
gene-

generali, seu ut loquuntur hodie, primario status ministro, commiserint. *L. 5. C. de aqueduct.* neque cuidam sive in Urbe sive in provinciis habitet, permittitur, aquam de fonte publico, sine concessione Imperatoris & Praefecti Praetorio, ducere, *L. f. C. de aqueduct.* Fontes quoque publici, privati fieri vetantur, etsi ab initio quidam privatus, postea publicus factus, tamen privatus iterum fieri non potest, omnibus concessionibus, etiam Imperatoris ipsius cassandis. *L. 9. C. de aqueduct.* De reparandis quoque fontibus & aqueductibus constitutiones edere non intermiserunt Imperatores, & execrabile ipsis visum est aquam habere venalem. *L. 7. d. tit. restituique* jubetur pecunia, refectioni aqueductus destinata, in alium usum conversa *L. 8. d. tit.*

§.XX. Neque desierunt hodierni civitatum rectores, quod ad fontium & aqueductuum conservacionem attinet, civibus suis prospicere. Ita restituit Adrianus I. Pontifex romanus aquam Sabbatinam dictam, & in Basilicam divi Petri perduxit, ad usum sacerdotum & lavandos pauperum pedes in coena domini. Pauli quoque V. Pontificis maximi celebre opus, quo aquam, e saluberrimis agrum Braccianensis fontibus, in montem Janiculum ad totius urbis usum perduxit, ex inscriptione ejus, quam

C

exhi-

exhibet *Leifer. in Jur. Georg. lib. 3. cap. 34. n. 4.*
videre est.

§. XXI. In nostris quoque Germaniæ civitatibus, pro qualitate locorum & situs ratione, publice consuli solet civibus usu aquæ. Ita instructa alicubi reperiuntur castella *Wasser = Künste* / in quibus elevatur aqua in altum, & per diversos canales subterraneos in diversa civitatis loca emittitur ad usum universitatis. Alibi ubi propter rationem situs castellis non est opus, per eosdem canales ducitur in civitatem, & effunditur, *die Röhr = Brunnen*. Eidem curæ publicæ originem suam debent putei publici *Plump = Brunnen* / *Zieh = Brunnen* / qui aquam omnibus ætatebus æque claram habere solent.

§. XXII. Istorum autem fontium inspectionem superiorem habet Magistratus cujusque civitatis, qui isti rei commodius expediendæ & fini obtinendo, officiales certos præponit, qui dicuntur *Röhr = Meister* / *Brunnen = Meister*. Ratione ædificationis & reparationis ædiles *die Bau = meistere* curam quoque eorum habent; nam quia sunt in proprietate universitatis, ex communi etiam arario sustentari debent. Contra frigiditatem hyemis obtegi quoque solent receptacula aqua-

aquarum. Ordinantur insuper inspectores privati
 e civibus in vicinia fontis habitantibus, qui provi-
 dere, ne quid foetidi in fontem injiciatur, aut aliud
 quicquam a malitiosis hominibus in præjudicium
 fontis fiat, illudque Sanatui indicare tenentur. At-
 que observantur circa eos leges universales natu-
 rales & civiles hucusque adductæ non solum, sed
 & plerumque conduntur si opus est ordinationes
 speciales circa eorum usum, quæ statutis inseri so-
 lent. Constitutiones Mediolanenses circa fontes &
 aquæductus *vid. ap. Menoch. allegatum Leise-
 ro d. l.*

§. XXIII. Non tantum vero fontibus pro-
 spiciendum ne iis noceatur, sed & eo laborandum,
 ne fontes noceant damnique aliis inferant.
 Damnum vero duplex est vel factum vel infectum.
 De facto, jure naturæ res certa est damnum datum
 sarciri debere *Pufend. de Jur. N. & G. lib. 3. cap. 1. §. 2.*
 quamobrem *damnum fonte quoque datum rescien-
 dum est.* Neque interest an dolo vel culpa datum
 sit §. 3. & 14. *Inst. de Leg. Aq. l. 44. ff. ead.* illud
 tamen differt, ut qui dolo nocuit puniri insuper
 possit. Quod & de jure civili ita obtinere censën-
 dum est *d. tit. ff. ad L. aquil.* ita ut etiam heredes
 ad damnum hoc modo sarcendum obligentur *arg.*

§. 9. *Inst. de Leg. Aq. Sutholt. disp. 16. th. 50. etiam de jure Canonico cap. 9. X. de Usur. Brunn. ad L. un. C. ex delict. defunct. in quant. hered. conven. num. 8.*

§. XXIV. Propter damnum vero infectum cautio præstanda est ab eo, a quo damnum futurum metuimus. Ita enim dicit Ulpianus in *L. 24. §. f. ff. de damn. infect. si puteum tam alte fodiam in meo, ut paries tuus stare non possit, damni infecti stipulatio committetur*. Cum itaque in suo fodere non licet cum damno vicini: multo minus licebit in fundo communi vel publico.

§. XXV. Utrique damno occurrit jus germanicum, quo cautum: *Wer Brunnen oder Gruben gräbet / der soll sie verwerchen / also hoch / daß es einem Mann über seine Knye gehe. Ob er das nicht thut / welcher Schad da von geschicht den soll er gelten. Schilt. exercit. 19. §. 57.* quæ lex generalis est, & omne damnum, quocunque modo contingere possit, comprehendit. Specialius loqui videtur jus Saxonicum, his verbis: *Die Börne soll man bez wahren eines Knyes hoch über die Erden / sonst muß man den Schaden gelten der von dem Ausfluß kommt. Ubi licet tantum memoret*
damnum

damnum per effluuium aquæ datum, quia tamen
 unius positio non est alterius exclusio, ideo præ-
 denter addit *Gloss. ad art. 38. lit. c. Land R. lib. 2.*
 Oder wird zum besten verstanden/ ob iemands
 Vieh oder auch ein Mensch in einen unbewahr-
 ten Born fiel/ und darinnen verdürbe.

§. XXVI. Resarciendum autem damnum
 juxta leges in republica receptas. Principia generalia
 si spectes, æstimatio istius rei, quæ perit, ita fa-
 cienda, ut alia in ejus locum substituatur vel
 pretio compensetur, ut si v. g. bos perierit,
 alius ejusdem æstimationis, aut pretium pro
 eo refundendum sit. De jure romano qui
 servum vel quadrupedem, quæ pecudum numero
 est, occiderit, quanti ea res, in eo anno, plurimi
 fuerit *pr. Inst. de Leg. Aquil. & L. 2. ff. ad L. Aquil.*
 qui alio modo damnum dederit, quanti in diebus
 triginta proximis plurimi fuerit, §. 13. & 14. *Inst. de*
L. aquil. & L. 27. §. 5. ff. ad L. aquil. tantum
 domino dare damnatur. Atque hanc legis
 aquilæ vim ac potestatem etiam hic obtine-
 re in questione puteorum, probatur *arg. L. 28.*
pr. ff. ad L. aquil. Sed hæc obtinent in iis rebus quæ
 æstimationem recipiunt: cum vero liberi hominis
 nulla æstimatio de Jure Romano fieri possit, *L. 1.*

§. 5. ff. d. his qui effuder. vel dejecer. l. 2. §. 2. ff. de leg. Rhod. ita reparatio damni facienda erit juxta præscriptum l. 3. ff. si quadr. paup. fec. dic. Jure vero nationum Teutonicarum, præcipue Saxonico, singularum rerum, etiam ipsorum corporum liberorum æstimatio, quæ dicitur VVergeldum, introducta est. *Schilt. Exerc. 19. §. 14. seqq.* qua ratione & hoc casu damnus refarciendum est, ita ut pro masculo, qui periit in puteo, integrum, pro foemina dimidium VVergeldum heredibus ipsius solvendum sit.

§. XXVII. Præstanda est ista æstimatio damni & solvendum VVergeldum ab eo qui est dominus putei, quisquis ille sit. Neque enim in reparatione damni distinctio personarum est attendenda, *Pufend. lib. 3. cap. 1. §. 2. t. t. ff. ad L. Aquil.* quæ leges cum non distinguant, ideo nec nobis distinguere licet, l. 9. C. de ber. vel act. vend. l. 1. §. 3. de aleat. Similiter etiam reparatio damni incumbit iis, qui Domino operas circa fontes locarunt, l. 9. §. 3. ff. loc. cond. *Lauterb. eod. tit. p. 390.*

§. XXVIII. Nunc de jure seu facultate hominibus circa fontes competente & de obligationibus hinc inde eorum intuitu oriundis. Et quidem

dem quod usum fontis attinet, quoad fontem nullius, res certa est, cuilibet liberum ipsius concessum esse usum, tam ratione sui, quam ratione familiae, & pecorum. Regulariter etiam aquam ex eo ducere permissum est, modo non deterior reddatur usus ejus ratione aliorum, & non ducatur per fundum alterius. Prius si factum fuerit, par jus & potestatem quoque habent alii homines, taliter & in praedictum ipsorum utenti, resistendi & canales quos posuit rescandi. *arg. l. 1. pr. ff. quod quisque jur. in alt.* secundo casu obstat jus domini, vi cuius quilibet, in ejus praedictum aliquid molens, a quocunque ejus usu repelli potest. §. 12. *Inst. de rer. div.*

§. XXIX. Usus fontis publici cuilibet, qui est de ista republica patet. Et quoniam ejusmodi fontes quoad proprietatem ad rempublicam spectant, *l. 9. C. de aquaduct.* ab eaque etiam conservari solent; ideo de jure omnis ille, qui non est ejus reipublicae civis, ab usu fontis excludi, neque quocunque etiam juris praetextu, usus ejus praetendi potest ab extraneo. Interim tamen mutuae praestationes officiorum humanitatis hic observari solent & debent, ita ut istis forensibus, qui in republica tolerari solent, etiam usus fontium publicorum

corum prohiberi nec oporteat nec possit. Et si quæ forte respública istud tentaverit, exclusi jure re-torsionis uti poterunt *arg. tit. quod quisque jur. in al.*

§. XXX. Usus fontis in proprietate uni-versitatis cujuscunque existentis, ad eos, qui sunt ex ista universitate, spectat, qui promiscuus est, ita ut nec quispiam præ altero prærogativa ulla gaudeat. Nam obtinet hic illud: prior tempore potior jure, & qui ex puteo amphoram plenam exhaustit, omnem eam sibi acquisivisse censetur, nec licet alteri partem quandam, sine ipsius vo-luntate, abripere, *arg. §. 18. Inst. de rer. div. Hu-ber. pos. ad Inst. h. t. pos. 41.* In iis vero locis ubi tempore æstivo, uti fieri potest, fons adeo modice salit, ut omnes simul ad aquæhaustum accedere non possint, prævenienti non concedendum est, in præjudicium expectantium, ultra modum aquam haurire, sed alternatim juxta leges societatis æquali-tatem desiderantes alii quoque admittendi sunt. *arg. §. 2. Inst. de societ. l. 29. ff. §. 2. pro soc,*

§. XXXI. Quod si vero neque universitas, neque singulæ ejusdem familiæ, fontem habeant, quæritur an alterius cujuscunque fontis usus pateat? De fonte nullius non est quæstio, neque dubitabit quis-

quispiam quin usus ejus liber sit. De fonte in proprietate constituto saltem sermo est, & respondetur: fontis publici istius civitatis ad quam pertinet universitas usum incolis patere, in dolo domini fontis indicat. Alterius vero universitatis aut quorumcunque singulorum fonte, citra ipsorum voluntatem, uti non possunt, sed obstabit ipsis semper primarius effectus proprietatis, scilicet jus alios excludendi ab usu. *arg. §. 12. Inst. de rer. div.*

§. XXXII. Simili modo & usus fontis singulorum aut communis ad eos singulos, aut quibus est communis, pertinet, quod & dicit *Gloss. Land R. cap. 71. Würde ein Spring auf einen Acker/ des Ackers Herr/ hat den Spring und mag ihn faßen auf den Acker/ ob er will. und teichen.* Et isti semper, vi domini, alios ab usu ejus excludendi, potestatem habent. An vero & ipsam universitatem? Resp. utique quia universitas dominium quoddam supereminens, uti princeps in res privatorum, non habet; deinde quia universitas non nisi ex singulis constat, hinc qui singulos excludere potest, etiam universitatem excludere potest.

§. XXXIII. Dicenda quoq; quædam sunt, de alieni fontis usu, qui dicitur servitus, *l. 2. ff. de serv.*

D

pred.

præd. rust. & hic loci est jus ex alieno fonte aquam percipiendi in utilitatem rei familiaris. Ex fonte percipiendi, inquam; hinc nihil interest, siue aqua ex fonte vel puteo hauriatur, siue a fonte ducatur plane, eadem enim semper est servitus. Illud tamen hic attendendum, cum, qui dat jus ad finem, det etiam jus ad media, quod dominanti etiam necessaria via ad fontem, item facultas canales ponendi per fundum servientem quatenus opus est, concedi debeat. *l. 3. §. 3. ff. de serv. præd. rust.* Dicebatur ex fonte alieno, res enim propria non servit, *l. 26. ff. de serv. præd. urb.* & quidem eo, qui est in dominio unius vel plurium singulorum, non qui est in dominio reipublicæ vel universitatis, ibi enim quia quilibet de ista republica & universitate jus hauriendi suo jure habet §. 6. *J. de R. D.* ideoque jure servitutis illud habere non potest. *arg. dict. l. 26.*

§. XXXIV. In genere autem usus fontium juxta ea quæ supra §. 12. & seqq. dicta sunt, determinandus est, & si quid contra factum fuerit dantur remedia consueta ad jura conservanda. In statu naturali & gentium bellum aut violenta defensio. Sic quando v. g. unicus fons, quo utitur civitas populosissima Zeila in Africa, quæ duarum die-

rum

rum itinere ab ea distat. *P. de Val. in Geogr. p. m.*
 329. a vicino populo occupetur, non possit non
 bellum oriri. *Grot. lib. II. cap. 2. §. 12. Pufend. lib.*
VIII. cap. 6. §. 3. In statu civili actio pro vindican-
 do dominio vel singulari vel communi fontis. *l. 23.*
pr. ff. d. R. V. Implorationes item officii iudicis, ad
 impetrandas inhibitiones, contra impediendum uti
 fonte publico vel universitatis, vel communi; &
 interdicta retinendæ vel recuperandæ possessionis
 aquæhaustus ex fonte. *l. un. ff. de fonte.* Denique
 actio confessoria ad asserendam sibi servitutem
 aquæhaustus ex fonte alieno, contra vetantem; &
 negatoria, ad negandam servitutem aquæhaustus
 in fonte suo, adversus prætendentem.

§. XXXV. Fontibus autem sæpissime uti
 non possumus, nisi accedat aliquid laboris, operæ
 aut impensæ; cum vero hæc oneris sint, quod
 plurimi declinare solent: ideo dispiciendum, quid
 juris & obligationis his casibus cuilibet competat.
 Et quidem quod fontem jam existentem restau-
 randum attinet, dicendum, ad fontem nullius re-
 parandum neminem jure teneri per se: fieri tamen
 posse, ut teneantur quidam ex necessitate quadam
 superveniente, dum usum fontis non adeo com-
 mode habere possunt, nisi renovetur.

§. XXXVI. Fontes publicos répareré tenetur, fiscus aut ararium publicum istius reipublicæ ad quam pertinent, ejusque rei causa vectigalia certa institui eoque destinari solent. *l. 7. C. de aqueduct.* Vectigalibus vero non sufficientibus, vel plane nullis impositis, refectio ex communi pecunia fieri debet, ab omnibus ex universa civitate facta collatione, nemine excepto, cujuscunque sit dignitatis, quia communem usum & utilitatem respicit. *l. 7. C. de Oper. publ.* & tenetur quilibet indistincte, sive fonte utatur sive non, sive usui illius plane renunciare velit. *Leiser. Jur. Georg. lib. 3. cap. 34. n. 8.* non confundendus tamen est fons publicus cum fonte Principis, hic enim in ipsius dominio est, & privatis ipsius rebus accensetur *arg. l. 2. C. de aqueduct.* ideoque etiam ex privato ipsius arario reficiendus erit. Operas tamen, si quas alias præstare obligati sunt subditi, & hic præstare debent.

§. XXXVII. Similiter & reparatio fontium universitatis ad eos spectat qui sunt de ista universitate. Et pecunia necessaria ex arario communi desumi debet, & operæ ab omnibus æqualiter adhibendæ sunt. Si pecunia communis non adsit,

tunc

tunc singuli de ista universitate contribuere debent, neque potest quispiam se excusare quod fontem proprium habeat. Fundamentum istius decisionis desumendum est a consensu, quem quilibet de universitate dedisse censetur ad rem quamlibet, & hic in specie ad fontem instruendum aut puteum fodiendum. Qui consensus jus inter ipsos fecit. *l. 40. ff. de legib.* atque opere semel extracto in perpetuum durat, & in singulis successoribus continuatur; neque a quopiam in præjudicium universitatis revocari potest. *arg. l. 2. Cod. si in fraud. patr. libert.* Et quamvis instructio & reparatio operis diversa sint, tamen qui vult id quod magis est, voluisse præsumitur quoque id quod minus est.

§. XXXVIII. Itaque non opus est desumere argumentum a simili ex *art. LIV. lib. 2. Juris prov. Saxonici cum Glossatoribus ibidem lit. b.* a pastore communi seu universitatis ad furnum & ita porro ad fontem vel puteum universitatis. Et quamvis decisio ista vera sit, tutius tamen generali & genuino fundamento Juris insistitur ex eoque decisiones ad casus obvenientes per modum conclusionum formantur, quam a conclusione aliqua ad aliam similem proceditur.

§. XXXIX. Quando vero de refectione fontis universitatis sermo est, id non tantum de purgando ipso fonte ad usum hauriendi, sed & de restituendis machinis, quibus mediantibus aqua v. g. ex puteo hauritur, intelligendum est; ita ut & hæc ex communi contributione reparandæ sint, & ut isti singuli, qui proprios puteos habent, contribuere quoque teneantur, neque possint se excusare, quod in proprios fontes impensas facere necesse habeant.

§. XL. Reparationem fontis communis iis incumbere, in quorum proprietate communi est; singulorum in quorum proprietate singulari, per se patet. Illud tamen monendum circa fontem communem in præjudicium alterius focii nihil innovari posse, neque suscipiendam restaurationem sine consensu aut voluntate ipsius. In re communi enim melior est ratio prohibentis. *l. 28. ff. comm. div.* quod si vero alter necessarios sumptus impendere recuset, poterit alter suis impensis fontem reficere, & actione pro socio eas repetere *arg. l. 52. §. 12. ff. pro soc.*

§. XLI. Servientis fontis reparatio cui incumbat dispiciendum, servientis ne an dominantis prædii Domino? Regula in *l. 6. §. 2. ff. si serv. vind.*

vind. est: in omnibus servitutibus refectio ad eum pertinet, qui sibi servitutem asserit, non ad eum, cujus res servit. Una saltem exceptio in oneris ferendi servitute admittitur, ubi serviens reficere tenetur d. l. 6. & l. 33. ff. de serv. prad. urb. Nihilominus in servitute aquæ immittendæ inter se discordant DD. quorum quidam servienti, vid. *Buffus ad l. 15. ff. de serv.* dominanti alii *Schilt. exerc. 47. §. 68.* refectioem fossæ adjudicant. Posteriori sententiæ etiam nos ad stipulamur, uti ex §. 53. & 59. *infra.* patet. Verum de eo jam quæstio non est, sed de ipso fonte reparando. Ubi quidem tutius est inhærare regulæ, ut prædii dominantis dominus aut possessor fontem servientem reficere teneatur. Neque enim exceptiones, quæ regulas confirmant, sine expressa lege facile extendendæ sunt.

§. XLII. Remedia ad obtinendam reparationem fontium & puteorum a refractariis, in fontibus publicis & universitatis, eo casu, si ad ærarium, necessaria non sunt, sed pecunia ad id necessaria inde desumi tantum potest. Eo vero casu quando pecunia publica deficit, indictio singularis faciendâ, quam in casum non præstitæ solutionis, executio sequitur. Idem etiam servatur
in

in ea universitate quæ jurisdictionem habet. Quando vero ea non gaudet, tum poterit actionem instituere coram iudice competente, & petere ut ad præstandam suæ portionis summam officio iudicis adigatur. Quod & similiter servatur circa fontem communem, si socius officium præstare recuset, ubi datur & actio pro loco ad repetendas impensas in fontem factas, uti §. 40. dictum. Actio ad reparandum fontem in proprietate singulari constitutum, nulla dari potest; sed ipsa indigentia aut utilitas œconomica remedium sat firmum suppeditabit.

§. XLIII. Hæc ita de fonte jam existente reparando: cum vero non ubique fontes existant, ideo multo labore & impensâ aut e visceribus terræ quærendi, aut ab uno loco in alium ducendi sunt, igitur & quid his casibus juris sit dispiciendum. Et quidem quod attinet fontem seu puteum de novo fodiendum, in fundo nullius cuiuslibet licere puteum fodere firmiter existimandum est: suadet hanc decisionem natura rei nullius §. 12. *Inst. de rer. divis.* ita tamen ut iste locus, una cum via ad puteum, occupatione, modo acquirendi dominium de jure gentium, ad istum fodientem transiisse censendus sit. *dict. §. 12. Inst. de rer. divis.*
de

de cetero vero etiam hic observanda sunt ea, quæ
supra §. 24. & 25. dicta sunt.

§. XLIV. In loco publico puteum fodere privato non licet, obstat enim huic facto dominium publicum, nisi id ipsi a summa potestate indulgeatur. Et quamvis re publica utendi, quilibet de ista republica, facultatem habeat, istud tamen de usu consueto intelligendum. Neque acquirit hoc casu proprietatem fontis & loci sine speciali concessione Imperantis. *arg. l. 9. C. de aquaed.* Ipse vero Princeps in loco publico prolubitu fontem aut puteum fodere potest. An vero etiam in privato? non potest, nisi necessitas publica id exigat, quo casu tamen privato ex publico ærario satisfactio facienda. Atque hoc casu fons erit publicus & impensæ ex publico ærario, aut hoc deficiente ex omnium contributione sumendæ sunt, prout de reparatione dictum est supra §. 36.

§. XLV. Similiter & in loco universitatis, singulis non licet puteum fodere, sine permissione universitatis. Nec universitati, in loco ad dominium singulorum pertinente. Ampliatur prius ut nec tribus vel quatuor ex universitate puteum inter ipsos communem fodere ibidem, in præ-

E

judi-

judicium universitatis, nisi ista consenserit, permis-
sum sit. *arg. l. 1. §. 1. ff. quod. cuj. univers.*

§. XLVI. In suo vero cuilibet puteum ape-
rire licet indistincte, modo tamen, juxta monitum
§. 25. nemini damnum fiat. Istud vero pro damno
non aestimandum, quando hoc modo venæ vici-
ni putei præciduntur; neque enim existimari ope-
ris mei vitio, damnum tibi dari, in ea re, in qua
jure meo usus sum, ait JCtus in *l. 24. §. f. ff. de
damn. infect.* Quod si vero in horto circumsepto
puteum quis aperiat, nec tegere aut munire, juxta
leges supra §. 25. allatas, curaverit; vicini vero pe-
cudes sepem perrumpentes hortum intraverint, &
hac occasione puer aut pecus in puteum inciderit,
ibique perierit, quæritur an teneatur is cujus est
puteus? non credendum, sufficit enim hic, quoad
vicinum, hortum fuisse circumseptum LandR.
lib. 2. art. 49. arg. l. 28. pr. ff. ad l. aquil. itaque
damnum ex lascivia pecudum potius, quam culpa
domini putei factum esse censendum est. *arg. §. 5.
Inst. de Leg. Aquil. Hopp. ad Inst. si quadr. paup.*
Idem dicendum, si vicinus partem sepi reficere ob-
strictus, id intermiserit, sua enim ipsius negligenti-
a damnum datum esse censetur. *l. 203. ff. d.
reg. jur. & alleg. art. 49.*

§. XLVII.

§. XLVII. Alter modus fontes in eo loco ubi nulli existunt procurandi, est ductus fontium seu aquarum, modus antiquis & hodiernis temporibus maxime frequens *conf. supr. §. 17. 18. seq.* Circa hunc autem juxta divisiones hucusque observatas, juris est, ut ex fonte nullius cuilibet aquam ducere licitum sit, modo non ducat per fundum alterius. Duplex enim hic consideratio facienda est, una intuitu fontis ex quo, altera intuitu loci per quem ducitur aqua. Per locum nullius eodem jure, uti ex fonte nullius aquam ducere licet. Ex fonte publico per locum publicum non æquè licet tamen utrumq; ex concessione imperantis. Ubi quidem sufficit, aquæ ductus in genere, vel ex fonte, factam fuisse mentionem, ductum per fundum publicum semper inesse statuendum ex *l. 3. §. 3. ff. de serv. prædior. rustic.* Id quod & dicendum est omnibus casibus, ubi fontis & fundi Dominus idem est, semper enim ita concessio uno, alterum etiam concessum esse credendum est. *d. l. 3. §. 3.* Ubi vero diversi sunt fontis & fundi domini, ibi utriusque consensus in specie, ratione ductus aquæ ex loco & per locum requirendus est. Qui loci a quo; per quem, & ad quem fons ducitur, dominus simul est, libere potest ducere absque

E 2

servi

servitute, res enim propria non servit. *l. 5. pr. ff. si usus fr. pet.*

§. XLVIII. Potest autem aquæductus constitui propter quamcunque causam, ita ut non solum ad irrogandum, & pecoris causa, sed & amœnitatis gratia aqua duci possit. *l. 3. pr. ff. de aqu. cottid.*

§. XLIX. Universitas aquam ducere potest ex fonte nullius vel universitatis istius. Ex fonte publico non potest, sine concessione Principis *l. 17. C. de aquad.* neque ex fonte alterius universitatis, nisi ista consenserit, aut hæc alio legitimo modo jus aquæ ducendæ acquisiverit. Imo neque ex fonte unius ex singulis de ista universitate, omni namque casu obstat dominium fontis ad excludendum alium. §. 12. *f. de rer. div.* Restrictionem tamen recipiunt hæc eo casu, quando universitas aqua indiget, ubi officii principis erit, indigentem aut ex publico sublevare, aut præcipere, ut altera universitas, aut quilibet possessor fontis, si aqua abundent, petenti suis sumptibus aquæductum permittant. Ad id vero ipsius potestas se non extendit, ut in favorem unius universitatis alias operis, ad struendum aquæductum necessarium, prægravet. Nisi ex ista universitate ceteris aut universæ rei publi-

publicæ singulare emolumentum accedat, v. g. oppido munito.

§. L. Licitum quoque est singulis aquam ducere ad suam ipsorum utilitatem, etiam ex castello, flumine vel alio loco publico, modo id a principe concedatur, nulli enim alii competit jus aquæ dandæ *l. 1. §. 41. 42. ff. de aqu. cottid.* similiter & ex castello universitatis, licitum est civibus aquam ducere in ædes proprias, si id impetraverint, in civitatibus a magistratu, in pagis ab universitate, pro qua concessione certa pecuniæ summa, aut semel aut singulis annis solvenda, exigi solet. Quam aquam ita promissam, juxta legem contractus, civitas civi præstare tenetur: si nihil adjectum sit, forma statutorum observanda, si statutum non adsit, forma vetus & consuetudo civitatis sequenda est. *Leiser. Jur. Georg. lib. III. cap. 33. n. 35.* Ex fonte alieno & per fundum alienum privatum, ducere non licebit aquam, sine consensu utriusque & sine constituta aut acquisita servitute. *l. 2. l. 4. C. de servit. §. aqu.* Eadem ratione neque ex fonte duobus communi, sine utriusque socii consensu aquam ducere licebit, obtinebit enim hic illud: in re communi melior est ratio prohibentis. *l. 28. ff. comm. div.* Civiliter quoque constitutio aquæductus interpre-

tanda, non quo velit dominans, sed quo cum
 minori fundi servientis detrimento fieri possit *l. 9.*
ff. de serv. ut si quis per eam partem aquam du-
 cere velit, quæ ædificiis, arboribus & vineis sit con-
 sita, hoc minime liceret. *Leiser. J. G. lib. III.*
cap. 33. n. 34.

§. LI. Ex uno autem fonte pluribus, si ni-
 mirum ad id sufficiens sit fons, aquæductus con-
 stitui potest, *l. 2. §. 1. ff. de serv. præd. rust.* modo
 tamen id non fiat in præjudicium ejus, cui prius
 servitus concessa *l. 17. ff. de serv. præd. rust.* Qui
 vero aquæductum habet, alteri ex eo alium aquæ-
 ductum constituere non posse, vult *Leiser. lib. III.*
cap. 33. n. 17. quia ultra modum uteretur, nec ser-
 vitus servitutis constitui possit. *l. 1. ff. de usufr. leg.*
 Verum cum leges allegatæ rem non probent, non
 poterit adduci ratio, cur illi, qui aquæductum sem-
 per salientem habet, non liberum sit, vicino aquam
 deciduam atque superfluam, iterum concede-
 re, atque ita ex hoc alium aquæductum consti-
 tuere. Certe suadet id ratio *l. 28. de serv. præd.*
urb. de causâ perpetua ad constitutionem aquæda-
 ctus necessaria, quæ hic evidenter subest. Et sæ-
 piuscule id ita observari credendum est.

§. LI.

§. LH. Reparatio aquæductus competit ei qui posuit primo, sive qui duci curavit aquam, sive is Princeps sit sive universitas sive privatus. Is per cuius fundum transit aquæductus pati tantum tenetur refectionem fieri. Circa aquæductum tamen publicum statutum, ut aquarum possessores, per quorum fines formarum meatus transeunt, ab extraordinariis oneribus sint immunes, ita tamen ut eorum opera aquarum ductus sordibus oppletti, mundentur. *l. r. C. de aqueduct.* lisdem possessoribus ab utraque parte arbores intra spatium quindecim pedum, plantare prohibitum est, ne ex stirpibus, sive potius radicibus labefactentur parietes aquæductuum *ead. l. r. § l. 10. C. d. tit.* ex quibus apparet aquam hoc casu duci per fundos privatorum jure dominii eminentis, non jure servitutis. De consuetudine hodierna ejusmodi fontes publici eorumque aquæductus operibus rusticorum plerumque purgari solent, à quibus nec ipsi fundorum possessores immunes sunt regulariter, & si qui opifices ad refectionem adhibentur, ex publico ipsis solutio facienda erit. *arg. t. t. ff. de L. Rhod.*

§. LIII. Reparatio aquæductus universita-
tis omnibus & singulis qui sunt de ista universitate
incumbit, deficiente pecunia communi, ab univer-
sitas conferenda, aut operæ adhibendæ. Et univer-
sitas medium coercendi, scilicet exclusionem ab
usu fontis habet. Idem & de aquæductu
communi & singulorum statuendum. Aquædu-
ctum alienum reficere nemo tenetur regulariter,
nisi quod rustici in refectione aquæductuum do-
minorum suorum, operas suas, juxta modum
receptum, præstare debeant. Aquæductum pri-
vatum per alterius fundum transientem, non do-
minus fundi, sed dominus aquæductus reficere
tenetur, *l. 6. §. 2. ff. si serv. vind. Schilt. exerc.*
47. §. 68. ita tamen ut libera ei facultas per-
mittatur a domino serviente, nec impediatur al-
ter in reparatione necessaria. Via tamen cana-
lium semel recepta mutanda in reparatione non
est, sed antiquæ insistendum *l. 9. in f. ff. de serv.*

§. LIV. Remedia juris circa aquæductus
varia sunt. Et quidem eadem de quibus *supr. §. 34.*
mutatis mutandis locum habere possunt. Scilicet
imploratio officii judicis contra turbantem in
aquæductu, ex publico vel universitate permissio
item in fundo proprio. In casu servitutis, con-
fesso-

fessoria aut negatoria: Item possessionis aquæ ductus retinendi aut recuperandi & interdicta de aqua quotidiana *t. t. ff. eod. de aqua ex castello l. 1. §. 38. eod. interdictum de fonte. t. t. ff. de fonte.* In casu servitutis non constitutæ etiam privatum remedium concessum est, & venas aut canales in suo positos ab altero, incidere potest dominus fundi. *l. 21. ff. de aqua & aqu. pluv. arc. Leiser. Jur. Georg. lib. III. cap. 33. n. f. ibique alleg. Struv. de vind. priv.*

§. LV. Restat nunc de cloacis fontium brevibus differere. Definitur cloaca in *l. 1. §. 4. ff. de cloac. locus cavus, per quem colluvies quædam fluit, quæ definitio etiam vera est.* Interim liceat pro materia substrata cloacam hic sumere, pro quacunque effluentia fontis, *Abzucht/Uberlauff des Brunnens.* Hæc plerorumque fontium proprium esse solet, igitur quid & hic juris sit disquirendum.

§. LVI. Recipit autem cloaca sive effluentia fontis eandem divisionis ac ipse fons ex quo fluit. Maximæ autem controversiæ ejus intuitu oriri solent, circa dirigendam cloacam & avertendam aquam ne alteri noceatur, & circa reparationem cloacæ deperditæ: & generaliter dicendum est, nemini licere cloaca alteri damnum inferre, sed potius

ad id avertendum, uti & ad damnum datum resarciendum tenetur. Neque interest cujuscunque cloaca sit.

§. LVII. Ducenda autem est cloaca publica super locis publicis, nisi aliter fieri non possit, quo casu tamen domino fundi per quem transit, satisfactio præstanda. Cloaca privata ducenda est per fundum privatum ipsius qui possidet fontem. Neque duci debet prope parietem vicini; spatium de jure Saxonico determinatum est trium pedum per textum: *Ofen/Genge/das sind Wassergerinne/und Schweinställe/ die sollen drey Füße von eines andern Mannes Zaun stehen. LandR. lib. 2. art. 51.* Ex proprio vero in publicum ducere licet.

§. LVIII. Constituta tamen servitute etiam per alienum fundum duci potest cloaca. Imo quandoque inevitabili necessitate hæc servitus constituitur, si v. g. fons in alto salit, cujus aqua superflua, alio quam per meum fundum effluere non potest. Inde naturalis quædam servitus dicitur ab Ulpiano in *l. 1. §. 22, § 23. ff. de aqu. & aqu. pluvi. arc.* Neque permissum est aquam impedire, wo das Wasser seinen natürlichen Fluß hin gewinnt/ den soll man nicht wehren/ wer ihm aber
aber

aber einen neuen Weg machet / der soll leiden
solche poen, ob hätte er einen Teich abgestochen.
Gloss. EchN. art. 71. Quæ necessitas tamen in
aquæductu in suum recipiendo non est, nam qui
occasionem cloacam emittendi non habet, ille
etiam recipere ipsum non debet in præjudicium vi-
cini, aut de eadem etiam sibi prospicere.

§. LIX. Reparatio cloacæ semper ad eum
spectat qui est dominus fontis vel aquæductus. Et
hoc est criterium certissimum ex quo etiam dijudi-
candum cujus sumptibus reparatio fieri, & a quo
damnum cloaca datum relarciri debeat. *Schilter.*
Exerc. 47. §. 68. Nec interest an per privatum an
per publicum fundum transfluat, eadem enim sem-
per adest ratio. Quin potius cloacæ publicæ publi-
cam curam mereri dicuntur in *l. 1. §. 3. ff. de cloac.*
& quæ *ibid. pr.* de refectione cloacæ & damno sta-
tuuntur, de privatis intelligenda sunt. In casu ser-
vutis, resectio cloacæ incumbit prædio dominan-
ti, sive illi qui fontem vel aquæductum possidet,
per alienum fundum servientem. In omnibus enim
servitutibus resectio ad eum pertinet, qui sibi ser-
vutem asserit, non ad eum cujus res servit, inquit
Ulpianus in *l. 6. §. 2. ff. si serv. vind.* Obligatus
vero est serviens resectionem istam permitte-
re

re, neque eum impedire potest. *l. 1. pr. ff. de cloac.*

§ I.X. Remedia circa cloacas sunt interdictum de cloaca. *l. 1. pr. ff. b. t. si alter refectionem impediatur. Actio in factum de damno per cloacam dato l. 33. §. f. ff. ad l. aquil.* quæ competit etiam contra civitatem *Schilt. Exerc. 47. §. 68.* Item pro cautione de damno infecto interdictum de cloaca *d. l. 1. b. l. 27. §. 10. ff. ad l. aquil.* cuius loco a republica petitur repromissio, atque desuper Princeps adiri potest. *Schilt. all. loc.* In casu turbati aut impediti usus cloacæ, competunt remedia possessoria, & alia de quibus §. 34. & 54. quæ mutatis mutandis huc quoque applicari possunt.

Plura addere neque necesse, neque instituto conveniens est; & si quæ forte minus accurate posita, aut plane omissa deprehendantur, ea candori tuo B. L. emendanda, aut ex principii adductis supplenda relinquo.



94 A 7367


ULB Halle 3
002 415 674




Sb.

VD17







B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue

2. D. B. V. 29
DISSERTATIO INAUGURALIS JURIDICA

DE
JVRE FONTIVM,
Vom Brunnen-Recht

QVAM
RECTORE MAGNIFICENTISSIMO,
SERENISSIMO PRINCIPE AC DOMINO,
D O M I N O

GVILIELMO HENRICO,

DVCE SAXONIAE, JVLIIACI, CLIVIAE AC MONTIVM, AN-
GARIAE WESTPHALIAEQVE ET RELIQA,

Indultu Illustris Facultatis Juridicæ
IN CELEBERRIMA JENENSI

SVB PRÆSIDIO

JOH. BERNHARDI Griesen/

HEREDITARIJ in Pöfen / JCTI FAMIGERATISSIMI,
SERENISS. DVC. SAXO - ISENAC. CONSILIARIJ AVLICI ET CONSISTORIA-
LIS, NEC NON ANTECESSORIS, COLLEGH JURIDICI ET SCA-
BINATVS ASSESSORIS GRAVISSIMI H. T. DECANI,

Domini Patroni sui ætatem venerandi
PRO LICENTIA

Summos in utroque jure honores & PRIVILEGIA DOCTO-
RALIA more majorum rite capeffendi

Benevole cruditorum disquisitioni submittit

Christian Döhler / Trebniz-Misnicus

Ad D. Jan. 1711.

IN AVDITORIO ICTORVM

horis ante & pomeridianis.

J E N A E, LITTERIS MVLLERIANIS.